

BOSNA I HERCEGOVINA  
Federacija Bosne i Hercegovine  
KANTON SARAJEVO  
JU Osnovna škola "Ćamil Sijarić"  
Ul. Braće Mulić 16  
Školski odbor  
Broj: 01-73-S-5 /15  
Datum, 20.01.2015. godine

Na osnovu čl. 24. i 90. Zakona o osnovnom odgoju i obrazovanju („Službene novine Kantona Sarajevo“, br. 10/04, 21/06, 26/08, 31/11 i 15/13) i saglasnosti Ministarstva za obrazovanje, nauku i mlade Kantona Sarajevo, broj: 11-04-38-20560/14, od 05.01.2015. godine, Školski odbor JU Osnovna škola „Ćamil Sijarić“ Sarajevo na svojoj petoj (V) redovnoj sjednici, održanoj dana 20.01.2015. godine donosi

## ODLUKU

### I

Školski odbor JU Osnovna škola „Ćamil Sijarić“ Sarajevo jednoglasno donosi Pravila JU Osnovna škola „Ćamil Sijarić“ Sarajevo, a na osnovu prethodne saglasnosti Ministarstva za obrazovanje, nauku i mlade Kantona Sarajevo.

### II

Sastavni dio ove odluke čine Pravila Javne ustanove Osnovna škola „Ćamil Sijarić“ Sarajevo, broj: 01-1084/12 od 29.06.2012. godine.

### III

Odluka stupa na snagu danom donošenja i bit će objavljena na oglasnoj ploči Škole.

Predsjednica Školskog odbora



Ismeta Brajlović, prof.

Dostaviti:

1. Članovima ŠO
2. Na oglasnu ploču
3. a/a



Broj: 11-04-38-20560/14  
Sarajevo, 05. 01. 2015. godine

Na osnovu člana 70. Zakona o organizaciji organa uprave u Federaciji Bosne i Hercegovine (Službene novine F BiH, broj: 35/05), člana 24. stav (1) Zakona o osnovnom odgoju i obrazovanju ("Službene novine Kantona Sarajevo", broj: 10/04, 21/06, 26/08, 31/11 i 15/13), ministar za obrazovanje, nauku i mlade Kantona Sarajevo d o n o s i

**ODLUKU**  
**O DAVANJU SAGLASNOSTI NA PRAVILA JAVNE USTANOVE OSNOVNE ŠKOLE**  
**„ČAMIL SIJARIĆ“**

**I**

Daje se saglasnost Školskom odboru Javne ustanove Osnovna škola „Čamil Sijarić“ na prijedlog Pravila JU Osnovne škole „Čamil Sijarić“.

**II**


Ova odluka stupa na snagu danom donošenja.

**Obrazloženje**

Školski odbor JU Osnovna škola „Čamil Sijarić“ je Ministarstvu za obrazovanje, nauku i mlade Kantona Sarajevo dostavio Odluku o utvrđivanju prijedloga Pravila JU Osnovna škola „Čamil Sijarić“, od 25. 06. 2012. godine.

Rješavajući podneseni zahtjev u skladu odredbama Zakona o osnovnom odgoju i obrazovanju ("Službene novine Kantona Sarajevo", broj: 10/04, 21/06, 26/08, 31/11 i 15/13), te nakon provedenih konsultacija ministar je donio rješenje kao u dispozitivu.

**PRAVNA POUKA:** Protiv ove odluke može se izjaviti žalba ministru za obrazovanje, nauku i mlade Kantona Sarajevo u roku od 8 (osam) dana od dana prijema Odluke.



Dostavljeno:

1. JU Osnovna škola „Čamil Sijarić“ (Ul. Braće Mulić br. 16) x2,
2. Arhivi.



Na osnovu čl. 24. i 90. Zakona o osnovnom odgoju i obrazovanju („Službene novine Kantona Sarajevo“, br. 10/04, 21/06, 26/08, 31/11 i 15/13) i Odluke o davanju saglasnosti na Pravila JU Osnovna škola „Ćamil Sijarić“ Ministarstva za obrazovanje, nauku i mlade Kantona Sarajevo, broj: 11-04-38-20560/14, od 05.01.2015. godine, Školski odbor JU Osnovna škola „Ćamil Sijarić“ Sarajevo na svojoj petoj (V) redovnoj sjednici, održanoj dana 20.01.2015. godine donosi

## **P R A V I L A**

### **Javne ustanove osnovne škole „ĆAMIL SIJARIĆ“ Sarajevo**

#### **I OPŠTE ODREDBE**

##### Član 1.

Ovim Pravilima kao osnovnom općem aktu škole, pored pitanja utvrđenih zakonom, uređuje se:

- naziv, sjedište i pečat škole,
- osnivač škole,
- djelatnost škole,
- unutrašnja organizacija škole,
- odgojno-obrazovni rad u školi,
- prava i dužnosti učenika, nastavnika i stručnih saradnika,
- vođenje pedagoške dokumentacije i evidencije,
- stručni organi škole,
- organi upravljanja, rukovođenja i kontrole poslovanja,
- saradnja i način ostvarivanja saradnje škole sa roditeljima učenika,
- način izbora predstavnika roditelja učenika/učenica u Školski odbor škole,
- formiranje i rad Vijeća roditelja,
- formiranje i rad Vijeća učenika,
- ostvarivanje javnosti rada škole,
- ostvarivanje prava učenika koji su stekli zvanje "vrhunskih sportista",
- organizacija rada u produženom boravku ili cjelodnevnom boravku u školi,
- sadržaj i oblici društvene, kulturne i sportske aktivnosti škole,
- opći akti koji se donose u školi kao i način njihovog donošenja,
- način napredovanja učenika i završavanje dva razreda za jednu školsku godinu,
- odgojno-disciplinske mjere koje se mogu izreći učenicima,
- procedura i postupak za utvrđivanje disciplinske odgovornosti učenika, postupnost izricanja
- disciplinske mjere koje se mogu izreći zaposlenicima i postupak prema nastavniku koji je udaljen iz nastavnog procesa kao i njegov ili njen daljnji radnopravni status,
- druga pitanja utvrđena zakonom.

##### Član 2.

Pravila Javne ustanove Osnovne škole »Ćamil Sijarić« Sarajevo (u daljem tekstu osnovni opći akt i svi drugi pravni akti škole koji se donose radi detaljnijeg pravnog uređivanja pitanja iz člana 1. ovih Pravila ili u vezi s tim pitanjima, moraju biti u skladu sa zakonom i ovim Pravilima.

## II NAZIV, SJEDIŠTE I PEČAT ŠKOLE

### Član 3.

Puni naziv škole je: JAVNA USTANOVA OSNOVNA ŠKOLA »ĆAMIL SIJARIĆ« SARAJEVO

Skraćeni naziv škole je: JU OŠ »ĆAMIL SIJARIĆ« SARAJEVO

### Član 4.

Sjedište škole je u Sarajevu, ulica Braće Mulić 16

Škola može da promijeni naziv i sjedište.

Odluku o promjeni naziva i sjedišta škole donosi Školski odbor, uz prethodnu saglasnost osnivača.

### Član 5.

Osnovna škola kao javna ustanova upisuje se u Registar osnovnih škola koji vodi Ministarstvo za obrazovanje, nauku i mlade Kantona Sarajevo ( u daljem tekstu: Ministarstvo) Osnovna škola upisuje se i u sudski registar i danom upisa stiče status pravnog lica.

### Član 6.

Osnovna škola izdaje svjedodžbe i druge javne isprave o završenom osnovnom obrazovanju.

### Član 7.

Škola ima pečat koji se koristi kao dokaz autentičnosti svakog dokumenta koji škola izdaje.

### Član 8.

U školi se koriste tri pečata i štambilj i to:

1. Pečat okruglog oblika, prečnika 50 mm za ovjeru svjedodžbi i drugih javnih isprava o završenom obrazovanju, službenih internih dokumenata i dokumenata koji se službeno upućuju drugim pravnim i fizičkim licima ;
2. Pečat okruglog oblika, prečnika 30 mm za ovjeru službenih internih dokumenata i dokumenata koji se službeno upućuju drugim pravnim i fizičkim licima
3. Pečat okruglog oblika, prečnika 20 mm za ovjeru virmana i drugih finansijskih dokumenata.
4. Štambilj Škole oblika pravougaonika za evidentiranje svih pismena koji se školi upućuju.

### Član 9.

Upotreba i čuvanje pečata i štambilja škole povjerava se sekretaru škole.

Izuzetno direktor škole, svojom odlukom može ovlastiti i druga lica za čuvanje i upotrebu pojedinih pečata.

